

Bill Day di Refineria Valero na Bon Dia Aruba ayera:

“Nos ta anticipa un veredicto den caso di arbitrahe (riba BBO) dentro di algun siman”

ORANJESTAD – Den un di e simanan aki, Valero ta spera e sentencia di caso di arbitrahe riba e protesta di BBO. Esaki e representante di Valero na Merca Bill Day a bisa Bon Dia Aruba ayera.

Papiando riba un otro caso (lesa articulo adhunto), a muestra cu nan tin informacion cu den e proximo simannan aki lo tin e sentencia cu tin cu dicidi si Valero tabata corecto den su protesta, of si esaki ta bai na fabor di Aruba.

Tabata na luna di februari ultimo cu e caso di arbitrahe riba pago di BBO a inicia na Hulanda. E mesun siman ei, Prome Minister Oduber a lamenta cu Valero a opta pa hinca ‘winstbelasting’ den e caso di arbitrahe awor, enves di solamente BBO, esta e 1% riba exportacion. E ta bisa esaki un dia prome cu e caso di arbitrahe inicia na Den Haag Hulanda entre Gobierno di Aruba y Valero.

Segun Oduber e asunto di winstbelasting ta algo cu ta siman pasa nan a hinca aden, mientras cu Valero ta insisti cu esaki no ta e caso.

Prome Minister Oduber a muestra



Bon Dia Aruba cu mientras cu e no kier haci esaki, e tin documento pa prueba tur loke e ta bisa. E ta haya lastima cu Valero a actua asina y cu e vocero corporativo Bill Day aparentemente no sa esaki y no tabata presente. “Pero esei ta e berdad” Oduber a sigura Bon Dia Aruba ayera.

Mientrastanto Valero ta para ariba cu tur loke e la bisa, ta berdad y cu nan no ta cambia nan pensamiento.

Agun siman prome Premier Oduber a muestra cu e relacion entre Valero y Gobierno ta bon, no obstante e hecho cu nan ta bayendo arbitrahe. A muestra cu tur liña di comunicacion ta keda habri aunke cu Valero a muestra cu nan ta stop negoshacion durante e periodo di arbitrahe. Algo cu Oduber tin comprension pe.

Di otro banda, e ta reitera si, cu for di su conseheronan di arbitrahe, el a compronde



cu Valero debidamente ta tardando e proceso di arbitrahe. Por lo menos e ta compronde esaki for di su hendenan cu ta atendiendo cu e proceso. Algo cu Valero a desmenti categoricamente e siguiente dia.

Y cu Valero no ta paga belasting tambe Oduber a comenta ariba. E loke cu Valero ta paga na belasting na Aruba ta minimo, compara cu loke e ta paga na Merca.

Segun Oduber, ta apenas loonbelasting, divisie provisie, invoerrechten y bbo riba importacion e ta paga. „Nada compara cu Belasting na Merca.

Pero riba esaki tambe (den otro articulo mas detaya) Valero ta reacciona indicando cu esaki no ta berdad y cu e suma cu Oduber ta muestra ta mucho mas halto cu loke en realidad Valero ta paga na Belasting.

Segun Bill Day di Valero, e no tin efecto riba caso di arbitrahe si

Refineria Valero tin cu paga Gobierno di Aruba 15 miyon florin na BBO

Nan a perde un protesta ayera cu ta data di 2007

ORANJESTAD – Refineria Valero lo tin cu paga 15 miyon florin na Gobierno di Aruba na BBO. Esaki ta loke corte a dicta ayera, indicando cu Valero tabata robes den esaki. Den comunicacion cu e vocero corporativo di Valero na Merca, Bill Day, e la muestra cu ayera tardi ainda nan no a haya ningun confirmacion por escrito ainda.

“Pero si enberdad e corte di impuesto a rechasa nos protesta, nos lo tin cu paga Gobierno di Aruba, e suma ekivalente cu ta e impuesto disputa di dos luna en cuestion, januari y februari 2007, ekivalente na 8.4 miyon dollar” Day a confirma na Bon Dia Aruba ayera tardi.

Tabata na januari 2007 cu refineria Valero na Aruba a protesta contra Gobierno di

Aruba su lei di BBO pa paga riba e 1% riba entrada di exportacion.

“Ta importante pa nota cu e decision aki ta un decision di corte di Aruba y no ta relata den ningun forma na e proceso di arbitrahe mas tempran e aña aki” Day a sigui bisa.

Nan ta muestra cu nan no ta haya ningun sentencia ainda di e caso aki ainda, aunke

cu ta premira cu den un di e simannan aki e sentencia aki mester cai.

E panel di arbitrahe no ta mara na e decision di corte na Aruba di ayera, segun Day ta sigura.

Tabata na januari 2007 cu Gobierno di Aruba a implementa e lei di BBO, y esei tabata e prome dos lunanan di e implementacion cu e refineria a protesta. “Nos

tin protestanan separa pa cada un di e siguiente lunanan” Day ta sigui bisa.

E ta sigura tambe cu nan tin un acuerdo cu Gobierno ora cu Valero ta paga un suma ekivalente na e impuesto di BBO, bou di protesta den un cuenta separa, pendiente di e decision di corte di Aruba. E veredicto di ayera, lo no mester tin un efecto alguno riba e caso di arbitrahe.



MI TA POSITIVO CU

BON DIA *Aruba*

Abo sa con pa ta un miho colega?



CHAT CU MENTE POSITIVO